



Broj: 05-87-6/21  
Sarajevo, 01.02.2021. godine

Na osnovu člana 23. stav (1) tačka m) i r) Zakona o Agenciji za bankarstvo Federacije BiH („Službene novine Federacije BiH“, broj: 75/17), člana 16. stav (1) tačka n) i t) Statuta Agencije za bankarstvo Federacije BiH („Službene novine Federacije BiH“, broj: 3/18), člana 64. stav (1) tačka b), člana 70. stav (1) Zakona o javnim nabavkama („Službeni glasnik BiH“, broj: 39/14) i člana 8. stav (2) tačka d) Pravilnika o uspostavljanju i radu Komisije za nabavke („Službeni glasnik BiH“, broj: 103/14), a na osnovu preporuke Komisije za nabavke iz Zapisnika o pregledu i ocjeni ponuda broj: 05-87-5/21 od 01.02.2021. godine, direktor Agencije za bankarstvo Federacije BiH donosi

## **ODLUKU**

### **o izboru najpovoljnijeg ponuđača u postupku nabavke usluga**

#### **I.**

Prihvata se preporuka Komisije za provođenje postupka javne nabavke usluga putničkih agencija – posredovanje pri nabavci avionskih karata za potrebe Agencije za bankarstvo Federacije BiH iz Zapisnika o pregledu i ocjeni ponuda, broj: 05-87-5/21 od 01.02.2021. godine i okvirni sporazum za javnu nabavku predmetnih usluga dodjeljuje se ponuđačima: „S-TOURS“ d.o.o. Sarajevo, „TRAVEL CENTAR“ d.o.o. Sarajevo i „RELAX TOURS“ d.o.o. Sarajevo.

#### **II.**

Ukupna vrijednost okvirnog sporazuma iz tačke I. ove odluke, iznosi 45.000,00 KM bez uračunatog poreza na dodanu vrijednost (PDV), što u konačnici sa uračunatim PDV-om iznosi 52.650,00 KM.

#### **III.**

Po okončanju roka za žalbu, ugovorni organ će s izabranim ponuđačima zaključiti okvirni sporazum, na period do 31.06.2021. godine, kojim će regulisati međusobna prava i obaveze.

#### **IV.**

Ova Odluka bit će objavljena na internetskoj stranici Agencije za bankarstvo Federacije BiH, istovremeno sa upućivanjem iste ponuđačima koji su sudjelovali u postupku javne nabavke, u skladu sa članom 70. stav (6) Zakona o javnim nabavkama.

#### **V.**

Za izvršenje ove odluke zadužuje se i ovlašćuje Sektor zajedničkih funkcija.

## **O b r a z l o ž e n j e**

Odlukom o pokretanju postupka javne nabavke usluga putničkih agencija – posredovanje pri nabavci avionskih karata za potrebe Agencije za bankarstvo Federacije BiH, broj: 05-87/21 od 12.01.2021. godine, odobreno je provođenje postupka javne nabavke predmetnih usluga za potrebe ugovornog organa. Javna nabavka provedena je putem konkurentskog zahtjeva za dostavljanje ponuda, a kao kriterij za dodjelu okvirnog sporazuma odabrana je najniža cijena tehnički zadovoljavajuće ponude.

U skladu sa članom 35. Zakona o javnim nabavkama, Obavještenje o nabavci broj: 3010-7-2-8-3-14/21 objavljeno je na Portalu javnih nabavki (ejn.gov.ba) dana 12.01.2021. godine.

U skladu s Odlukom ugovornog organa, Rješenjem br. 05-87-1/21 od 18.01.2021. godine imenovana je Komisija za javne nabavke, kojom su definisane njene nadležnosti, koje uključuju poslove otvaranja, pregleda i ocjene ponuda, te davanje preporuke za odabir najpovoljnije ponude

Slijedom navedenog, komisija je u okviru svojih nadležnosti i ovlaštenja provela predmetni postupak nabavke, te o tome sačinila Zapisnik o pregledu i ocjeni ponuda broj: 05-87-5/20 od 01.02.2021. godine u kojem je konstatovano da su po predmetnom postupku nabavke pravovremeno pristigle 4 (četiri) ponude. Na osnovu izvršene analize i ocjene pristiglih ponuda u pogledu utvrđivanja njihove prihvatljivosti u odnosu na kvalifikacijske uslove utvrđene u tenderskoj dokumentaciji, komisija je utvrdila:

- da su ponude ponuđača „S-TOURS“ d.o.o. Sarajevo, „TRAVEL CENTAR“ d.o.o. Sarajevo i „RELAX TOURS“ d.o.o. Sarajevo kvalifikovane i prihvatljive, te da su dostavljeni svi traženi dokazi propisani tenderskom dokumentacijom, na propisan način.

- da se ponuda ponuđača „VENTURA TRAVEL AGENCY“ d.o.o. Travnik odbacuje na osnovu člana 68. stav (1) i stav (4) tačka i) Zakona o javnim nabavkama.

U ponudi navedenog ponuđača evidentirana je slijedeća nepravilnost:

- Ponuđač „VENTURA TRAVEL AGENCY“ d.o.o. Travnik nije ispunio minimalne uslove za kvalifikaciju navedene u:
  - poglavlju 7. – minimalni uslovi za kvalifikaciju ponuđača, tačka 7.3. (Ekonomska i finansijska sposobnost – član 47. Zakona o javnim nabavkama) tenderske dokumentacije, tako što je dostavio potvrdu izdatu od strane „Sparkasse Bank“ u kojoj se navodi da ponuđač ima otvoren aktivan transakcijski račun za poslovanje, označen kao „Glavni račun“ za poslovanje i da isti nije bio blokiran u periodu od 19.01.2020. do 19.01.2021. godine, što je u suprotnosti sa zadanim uslovom u navedenoj tački tenderske dokumentacije, kojim je traženo da potvrda mora biti izdata od banke sa navodima da glavni račun ponuđača nije bio blokiran u zadnjih 12 (dvanaest) mjeseci od datuma objave Obavještenja o nabavci (12.01.2021. godine).

U sljedećoj tabeli daju se rezultati rangiranja ponuda prema kriteriju za dodjelu okvirnog sporazuma, u kojem je predviđen postupak mini-tenderisanja prema ukazanoj potrebi nabavke aviokarte za potrebe ugovornog organa, kako slijedi:

| Redni broj | Ponuđači                        | Ukupna cijena, bez PDV-a |
|------------|---------------------------------|--------------------------|
| 1.         | „S-TOURS“ d.o.o. Sarajevo       | 49.400,00 KM             |
| 2.         | „TRAVEL CENTAR“ d.o.o. Sarajevo | 49.450,00 KM             |
| 3.         | „RELAX TOURS“ d.o.o. Sarajevo   | 49.500,00 KM             |

*P*  
*D. Kal.*



Zmaja od Bosne 47b,  
71000 Sarajevo,  
Bosnia and Herzegovina



P ++ 387 (33) 72 14 00  
F ++ 387 (33) 66 88 11



E [agencija@fba.ba](mailto:agencija@fba.ba)  
W [www.fba.ba](http://www.fba.ba)



AGENCIJA ZA BANKARSTVO  
FEDERACIJE BOSNE I HERCEGOVINE  
BANKING AGENCY OF THE FEDERATION  
OF BOSNIA AND HERZEGOVINA

U postupku donošenja ove odluke posebno su cijjenjene činjenice da je komisija pravilno i potpuno izvršila ocjenu kvalifikovanosti navedenih ponuđača, te pregled i ocjenu ponuda, u skladu sa kriterijima iz tenderske dokumentacije, te da je izbor najpovoljnijeg ponuđača izvršen u skladu sa Zakonom o javnim nabavkama i podzakonskim aktima.

Uvidom u priloženu dokumentaciju, vidljivo je da su izabrani ponuđači najbolje ocijenjeni na osnovu zadanih kvalifikacijskih i cjenovnih uslova nadmetanja, pa je komisija dala preporuke da se istim, saglasno članu 69. stav (1) tačka a) Zakona o javnim nabavkama dodijeli okvirni sporazum u predmetnom postupku nabavke usluga.

Slijedom navedenog, odlučeno je kao u dispozitivu.

### **POUKA O PRAVNOM LIJEKU:**

Protiv ove odluke može se izjaviti žalba ugovornom organu – Agenciji za bankarstvo Federacije BiH, najkasnije u roku od 10 (deset) dana od dana prijema ove odluke, saglasno članovima 97. i 101. Zakona o javnim nabavkama.

Žalba se izjavljuje Uredu za razmatranje žalbi/Kancelariji za razmatranje žalbi – Filijala/Podružnica Mostar, putem ugovornog organa, u pisanoj formi, direktno ili preporučenom poštanskom pošiljkom. Žalba se podnosi u najmanje 3 (tri) primjerka.



Dostaviti:

- svim učesnicima u postupku
- a.a.

*[Handwritten signature]*